




國家圖書館, NATIONAL CENTRAL LIBRARY, TAIWAN, R.O.C.




國家圖書館, NATIONAL CENTRAL LIBRARY, TAIWAN, R.O.C.






3393384 v.1

國家圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.

國權六千冊

當湖小重山館胡遂江舊藏 同治丙寅秋收于滬肆因丁卯春二月于金陵草裝

太祖六冊

第一冊 起元... 稱吳王元年 百四十三頁 中綴五


第二冊 洪武元年... 百二十頁


第三冊 洪武... 存七十五頁 中綴五 月... 十

第四冊 洪武... 百二十五頁

第五冊 洪武... 百十九頁

第六冊 洪武... 存六十八頁 國末二年





惠帝一冊

第七冊

建文元年五月四年止

存三十一頁

上缺漢武末簡

成祖四冊

第八冊

建文四年七月至永樂元年 百三十三頁

第九冊

永樂三年五月八年

百四十三頁

第十冊

永樂九年五月十三年

百一頁

第十一冊

永樂十年五月二十二年 百二十五頁

仁宗一冊

第十二冊

永樂二十二年自洪熙元年 五十四頁

宣宗二冊

第十三冊

洪熙元年自宣德元年

百六十八頁

第十四冊

宣德五年五月十年

百三十六頁

英宗三冊

第十五冊

宣德五年七月至正統四年

存六十五頁
缺三四兩年

第十六冊

正統五年五月九年

存三三頁 缺第五年

第十七冊

正統十年五月十年

百二十七頁

景帝二冊

第十六冊

正統十年九月至景泰二年

存三十一頁
闕元年十二月二十九頁

第十七冊

景泰二年五月六月

存九十五頁
闕五十七年

英宗復辟一冊

第十八冊

天順元年五月八年

存六十八頁
闕元年五月三年及四年

憲宗四冊

第一冊

天順元年五月至成化四年 百四十五頁

第二冊

成化五年至十年 百三十二頁

第三冊

成化十一年至十七年 百三十三頁

第四冊

成化十八年至二十三年 百六十八頁

孝宗三冊

第一冊

成化二十三年九月至嘉靖元年 百十九頁

第二冊

嘉靖元年至十年 百四十四頁

第三冊

嘉靖十一年至十八年 百二十五頁
十五至兩年闕角

武宗三冊

第一冊

嘉靖元年五月至正德三年 百三十二頁
元年卷缺角

第二冊

正德四年至九年 存八十五頁
闕六九年

第三冊

正德十年至十六年 闕

世宗七冊

第一冊

嘉靖元年五月至六年 百三十五頁

第二冊


嘉靖七年至十三年 存七十四頁
缺五至三五年

第三冊

嘉靖十四年至二十年 存六十九頁
缺六十九年

第四冊

嘉靖二十一年至二十七年 百二十三頁



穆宗每
神宗十冊

穆宗每
神宗十冊

第三十五

嘉靖二十一年至二十三年

百十二頁

第三十六

嘉靖二十三年至二十五年

存百二十九頁
闕第廿五年

第三十七

嘉靖二十四年至二十五年

存四十六頁
闕第廿五年

第三十八

隆慶元年

存二十四頁

自元年七月至六年并闕

第三十九

萬曆元年

闕

第四十

萬曆四年

存六十五頁
闕六年及九年

第四十一

萬曆十年

百二十四頁

第四十二

萬曆十四年至十七年

百二十三頁

第四十三

萬曆十六年至二十年

百十九頁

第四十四

萬曆二十一年至二十四年

百五十五頁

第四十五

萬曆二十五年至二十九年

百二十四頁

第四十六

萬曆三十一年至三十五年

百三十三頁

第四十七


萬曆三十七年至四十二年

存八十八頁
闕三十九年兩年

第四十八

萬曆四十四年至四十八年

百二十五頁



喜宗二冊

第の九

天啟元年迄四年

百廿七頁

莊烈帝一冊

第の十 天啟五年迄七年

存百頁
綴本五冊

第の十一 天啟五年八月迄崇禎元年

百廿六頁

第の十二 崇禎五年迄四年

百廿四の頁

第の十三 崇禎五年迄七年

百四十三頁

第の十四 崇禎六年迄九年

百三十五頁

第の十五 崇禎十年迄十二年

九十八頁

第の十六

崇禎十三年迄十五年

百三十五頁

第の十七

崇禎十七年迄十七年四月迄存の四頁

綴本百廿七頁

第の十八

甲申五月迄乙酉崇禎元年

百四十五頁

福藩一冊
附表二冊

第の十九


昌嗣約八十頁
勅封錫爵威職古圖

存四十三頁

第の二十 終

部院 甲科 朝貢

百五十五頁 中國五十五頁



國權

大明太祖聖神文武欽明啟運駿德成功統天大孝高皇帝

御諱

元璋字國瑞濠州鍾離東鄉人朱姓出顓頊氏周封曹挾於

邾楚滅之子孫去邑為朱世居沛國相縣其後散居江南家

句容之通德鄉稱著姓云朱家巷譜系無攷而世艱難農業

有重八府君娶陳氏生三子長伯六娶胡氏後追尊


德祖玄皇帝次子四九娶侯氏後追尊

懿祖恒皇帝長子初一娶王氏生宋末元初籍淘金戶金非

國權 至元



國家圖書館, NATIONAL CENTRAL LIBRARY, TAIWAN, R.O.C.




地產常他市供賦困焉遂棄田廬攜二子徙泗州世珍長年
十二次八歲仍力田營家泗上足給有二羽人指其地法當
大貴折枯枝植而驗之尋蘗試拔之羽人再過謂如冢嫡何
竟卒葬後追尊

熙祖裕皇帝卒漸家落五一兄弟徙盱眙五河無定居五一
兄弟皆敦謹務德嘗言凡人守分得財如置田產稼穡收穫
大歲有常利用之無窮若恃理得財如污吏貪官獲利雖溥有
喪身亡命之憂故一鄉皆稱次公長者世珍娶陳氏徙盱眙
生興隆徙五河生興盛興祖徙鍾離東鄉蓋濠古塗山氏國

大禹會諸侯處周世宗鑿其地至是王氣始復 太祖生又
徙西鄉晚徙太平鄉之孤庄村有一翁指次公曰美哉八十
公終歸仁德焉後追尊
仁祖純皇帝與歲合

談遷曰周秦以降帝王之興雖崛起闡闡或世沾一命劉
氏至寒素矣泗上長亭亦食秦人之斗粟惟我朱氏其興
也勃焉起家耕桑有公劉后稷之風又劉裕祖漢蕭道成
祖鄴侯出自史臣未足深信金玉牒始重八府君不妄有
所祖先是下集慶句容之族父昆弟四十餘人皆來會或



不法疎外之聞之稗吏曰 上欲祖朱熹適徽人典史某問

之熹後乎對曰否因意寢此蓋瞽說非知 太祖者也

戊辰 元文宗天歷元年九月丁丑 帝生陳嫗夢羽人授藥

丸一燁然有光吞之覺而口香明日薦于土地祠白氣貫空

異香經宿祠神驚避數里至今地丈餘赭而不草浴汲河水

紅羅浮而衣之水今色 紅一白里人夜望光謂次公長者

何火也趨救則無有生數日不乳公出求醫有僧坐門告之

愈期良久不見公異之欲捨於釋氏

己巳 天歷二年

庚午 文宗至順元年

辛未 至順二年

壬申 至順三年 宿州人馬公無子婦生女即 高皇后

癸酉 順帝元統元年

甲戌 元統二年


乙亥 至元元年

丙子 至元二年

丁丑 至元三年 上十歲

戊寅 至元四年

國權 至元



己卯

至元五年

庚辰

至元六年

辛巳

至正元年

壬午

至正二年

癸未

至正三年

甲申

至正四年

上年十七時大飢疫四月庚申朔乙丑

翁卒戊辰伯兄

興隆

卒辛巳陳嫗又卒同仲兄輩勉襄事所

佃劉氏繼德田數責進譙呵不絕劉氏兄繼祖以總管致事

好施予朱翁遷太平之孤庄村與繼祖及趙文達等鄰至

是繼祖閔之妻姜氏勸予墓地二三弟兄扶柩往會天雨休

壟下旦往塚累自地出洵神助也仲氏叔氏各圖自治

上孤無依隣母汪氏曰獨不記先人許從釋氏乎九月己巳

入皇覺寺一名於覺寺事僧高彬養鴛溺園之他所遊戲

鴛終日不敢出園別鴛色為隊鴛皆分隊立居兩月歲荒僧

散上大困游食望突而飽望門而宿後上貴賜劉繼祖

弟田三十頃後十年曰此恒情耳不必問吾貧時爾豈知今

日為天子耶


劉繼祖字大彥元總管致仕好施予同里趙文達等俱與朱氏善朱氏舊址惟有石農器存

設遷曰古帝王之興也俱稍有所藉漢祖起豐沛聖祖

國權

至元

四



起淮泗亦云瘁矣而 聖祖為甚沙漠之腥無所不穢濁
而淮右無一命之染重農力穡公劉后稷之締始也先德
如此安在無土不王哉

乙酉 至正五年 上西游合肥道病有二紫衣同寢食病已辭去
遽失之夜陷麻湖中值羣童云迎駕此之不見至六安代老
儒負篋及硃砂鎮坐槐樹下異其相為推 上星命當奇貴
第慎之利西北母東南也歷語後事徵其里氏不答

丙戌 至正六年 上嘗還里省墓

丁亥 至正七年 上歷光固汝潁間凡三年仍棲皇覺寺

戊子 至正八年 十一月黃巖方谷珍作亂谷珍修七尺走及奔
馬伯父奇柔謹生谷珍谷瑛並豪勇里佃事田主甚卑毋敢
揖心媿之伯奇沒竟醉田主醢之致訟格殺巡檢叛入海甸
旬日得數千人守臣朶兒只班討之引而東追至福州五虎
門勢威將焚舟遁而元兵忽自驚擾因執朶兒只班迫其招
撫元主從之授定海尉雖受命終不自安 方谷珍避廟諱更
名真見宋濂神道

碑止
名珍


已丑 至正九年

庚寅 至正十年 十二月壬午朔已酉方谷珍寇温州

國權

至元

五



辛卯 至正十一年

正月 朔

二月 朔

三月 朔 元浙東副元帥董博霄以舟師討方谷珍戰敗

四月 朔 元命工部尚書賈魯開黃河故道役十七萬人

自黃陵岡至白茅二百八十里初童謠曰石人一隻眼挑動

黃河天下反果得石人於黃陵岡蓋韓山童陰為之也

五月己酉朔 徐穎斬黃兵起徐人韓山童其祖父為白蓮教

惑眾之多從之元末山童倡言天下亂彌勒下生明王出江

淮之人騷然皆動河工掘石人益驚詫於是穎人劉福通及

黨杜遵道郁文盛羅文素等告眾曰山童宋徽宗八世孫也

當帝天下我劉光世後合輔之聚三千人於白鹿庄殺黑牛

白馬告天地約起兵用紅巾為志元得山童捕殺之子林兒


走武安山中福通據朱臯攻破羅山真陽確山起舞陽葉諸


縣袁州光化寺有僧瑩玉以彌勒佛教鼓動湖相麻城人鄒

普勝大唱其術羅田布賈徐壽輝浴鹽塘有毫光普勝驚怪

之共推為主舉號紅巾攻陷蕪黃壽輝開蕪水為蓮臺省建

國天完改治平元年拜普勝丞相黃陂人倪文俊為大將軍





文俊故漁家子善兼行多槳舡攻陷漢陽興福國

六月 朔 方谷珍攻黃巖江浙左丞字羅帖木兒擊之谷

珍夜率勁卒火之執字羅帖木兒于大門洋迫求招撫元授

千戶萬戶及其兄弟官爵有差

七月 朔

八月丁丑朔丙戌蕭縣李二彭早住趙均用陷徐州俱燒香惑

眾嗜食人

九月 朔

十月 朔

十一月 朔

十二月丙子朔

壬辰 至正十二年

正月丙午朔丙辰徐壽輝兵連陷武昌安陸沔陽

二月乙亥朔定遠郭子興見群盜四起與其客孫德崖俞 魯

潘 等率豪傑子弟攻拔濠州據之自稱元帥子興故曹

州人父某善星歷謂帝星燭臨濠遂入濠定遠富翁有瞽女

莫適聘郭公貴其女娶之術益售漸饒於貲生三子次子興

卜其貴長不事產業散財結豪傑子弟宿州馬公避仇入定

遠年飢鬻女子興見馬公俠氣大善撫女如自出

辛丑兵焚皇覺寺 上出避日暮無依歸祝筴于伽藍神出處孰吉三投之俱陰 上曰出處俱不利無乃欲我從雄而後昌乎請復陰果陰 上曰舉大事恐凶請陽筴、仍陰再決之筴躍然立 上始有從戎之心

三月乙巳朔元人討徐州盜募舟師北守大江方谷珍疑其圖已復入海突犯馬鞍諸山寨元將秦不華敗死


元將徹里不花率三千人討濠州不即進妄殺掠報級村里為墟人無固志有故人遺 上書盍從我自全 上覽訖焚


之或為 上危不之動

閏三月甲戌朔 上入濠城門者以謀疑之將加害適郭子興巡行異其貌解縛與語留帳下元兵數來討子興驍勇善戰每出 上從旁翼衛跳盪無前斬首捕生固當尋長百夫漸引與謀事孫德崖等四帥田野人不足與謀子興心易之於是四帥協謀傾子興子興少與四帥會或會輒不合子興輒起去去則四帥專決之

四月癸卯朔日食

五月癸酉朔方谷珍攻台州不克





六月 朔

七月 朔

八月 朔 元丞相脫脫總大兵南征諸盜寇

九月 朔辛卯元兵誅李二復徐州彭早住趙均用走濠州

孫德唯等納之以二人故盜魁反爭推之出其下

十月 朔

十一月 朔彭早住稱魯淮王趙均用稱永義王早住頗有智

謀郭子興獨禮之均用不嫌孫德唯謂均用曰郭公自有彭將軍耳相與執子興械之家將殺之 上在淮北聞曰郭公

吾父也亟馳歸則語子興子曰我公素厚彭薄趙禍必趙發

即與子興子奔告早住早住怒圍德唯家 上從之發屋入

子興鉗繫幽害破械出之子興遂得免

十二月 朔元將賈魯與月哥察兒圍濠城始解仇力拒之

壬寅潁州沈邱人察罕帖木兒信陽州羅山人李思齊同起

義兵破賊授察罕汝寧府達魯花赤李思齊知汝寧府

癸巳 正至十三年

正月庚午朔泰州張士誠白駒場亭民也為鹽駟諸富家數凌

之又辱於弓兵義邱至是與弟士義士德士信結壯士李伯

昇潘原明呂珍等十八人殺義及富者火其舍跳入旁場招諸少年謀起事至丁溪大姓劉子仁集衆拒之矢中士義死士誠益決戰子仁潰遂有衆萬餘陷泰州

二月 朔

三月 朔元將賈魯死


元江浙左丞帖里帖木兒復招方谷珍行省都事劉基議谷珍首亂當誅餘黨當招安省院不聽編管基於紹興授谷珍温州路治中谷瑛信州路治中谷璋廣德路治中而谷珍猶疑懼擁衆千艘阻漕運復遣江浙右丞阿兒溫沙擊之

四月 戊戌朔

五月 朔壬午元兵解濠圍去濠人之食 上以鹽易懷遠之粟贍郭子興家先是歸上馬公女子與婦張夫人壻視 上軍中呼曰朱公子

誅遷曰窮閭之末假令謀大事雖沒齒無望郭氏先驅得備肺腑於是神龍之升階於尺木矣其德視晉陽宮監且百倍噫豈偶然哉豈偶然哉

張士誠陷興化殺叅政頴川趙璉死之元使左丞僕哲篤守高郵知府李齊守甯社湖士誠諜入僕哲篤出走士誠據高



郵僭號大周自稱誠王改天祐元年元使照磨盛昭招以萬
戶告身不納拘之舟中已臣之不屈死昭歸德人元使又至
士誠曰必李齊齊往下之獄元人來攻士誠出齊聽之不屈
死齊廣平人而元終欲降之使待制烏馬兒錄事孫樞復往
被留樞曹州人至正初進士復後謀復高郵事泄死之
六月丙申朔
七月朔
八月朔
九月乙丑朔日食

十月朔 郭子興患趙均用之專使 公子行收兵得七
百人拜鎮撫

十一月朔
十二月朔元卜顏帖木兒及西寧王牙罕沙等合討徐壽輝
於蘄水敗之

甲午 至正十四年

春正月甲子朔公子度彭早住早住等難共事屬七百人於他
將率壯士徐達湯和吳良吳禎花雲陳德顧時費聚


耿再成
耿炳文

唐勝宗陸仲亨華雲龍鄭遇春郭子興郭英胡大海張龍陳

國權

至元

十一




植謝成李新張赫張銓周德興凡二十四人皆濠產也南略
定遠定遠人毛麒麟縣尹來降道以疾返已疾少間聞戶外
嘆聲詰之曰定遠張家堡民兵三千人號驢牌寨之食欲來
降未決元帥將招之惜無可使者 公子矍然起曰機不可
失力疾以費聚等二騎又步卒九人往至寶公河望其營嚴
整步卒恐 公子不動營將出迎入諭曰郭公故善足下聞
他敵將至故遣告能相從即我往否則避之因解香囊示信
彼獻牛酒 公子還留費聚伺之越三日聚奔告彼有他志
公子即率三百人馳責之未受命誘其將來會縛之下其

衆三千人已夜襲元知院張於橫澗山一曰繆得精兵
二萬餘繆大亨降悉加訓練

二月辛卯朔元吏部侍郎貢師泰和糴浙西米百萬石

三月朔公子畧滁州值定遠李善良長悅之留掌書記
語之曰羣雄中幕客多毀左右解將士之體覆敗相踵爾宜
鑒其失務和協成厥功善良頓首受命花雲單騎遇賊數千
人即奮戰賊避其勇抵滁克之以駐師

四月癸巳朔彭早住趙均用邀我 公子守盱泗辭不往時彭
趙挾郭子興東屯泗州尋自相吞併早住中流矢死均用專



兵益狼戾 公子在滁陽兵勢漸盛使人說均用曰方今海
內淆亂正收攬英雄之日公肯窘於南元趨濠使郭公易圖
耳其別部之在滁者勢重可慮也又賄均用左右均用遂縱
子興將萬人入滁州見公子兵整大悅○閉壁不納辱
手矣得濠而據其上更欲害之不祥且郭公

五月 朔

六月辛卯朔己酉臨盱眙

庚申陷泗州

七月三朔入滁大旱公子憂之滁人楊方果言西南豐山柏

子潭可禱即往約神三日必我雨否者神不得祠因發三矢
於潭果如期大雨獲稔

八月 朔

九月己未朔 元丞相脫、討張士誠於高郵大敗之死甚衆
方谷珍突入台州據之先是元設浙江元帥於慶元備谷珍
以納麟哈喇為之復敗遂授谷珍海道巡防萬戶谷璋衢州
總管兼防海運


十月 朔 脫、分兵圍六合六合帥乞援郭子興以夙嫌斬

之 公子曰六合下滁其次矣柰何以睚眦故失之而諸將

國權

至元

十三



畏元人強衆謂卜之不利 公子自往曰事當內斷何卜為
曰同耿再成守瓦梁壘元人攻之急幾陷復去之凌晨完壘
復拒之凡再四因計詒之斂我軍令婦女倚門戟手詈之元
人疑阻遂陣而出前其輜重婦女精卒翼之徐引還滁州元
人不敢迫雖無救六合我克還

十一月朔 元人攻滁州 公子設伏澗側令耿再成佯北誘
之渡澗伏發皆下馬走內兵又出擊大敗之獲馬盛衆然畏
元人強詭還之具牛酒遺元將曰城主郭子興老病不任行
謹遣犒軍城中皆良民所以結聚備他盜耳將軍欲獮戮之


民固畏死非得已抑今高郵大寇未殲將軍舍而攻良民不
令并力耶元將曰是也非良民肯歸馬乎即解去

十二月朔丁酉元罷丞相脫、安置淮安

設遷曰丞相百萬之衆掃二三群醜不啻灶上塵少須臾
之緩滌且無餘矣元自去脫、為我安其枕因畧和陽下
建業定鼎東南拜元人之賜不淺哉


乙未 元至正十五年

正月戊朔師乏食諸將謀所向郭子興言計多失 公子數諫



不聽鬱：致疾子興再三召 公子力疾往告曰困守孤城
非計若謀所向惟和州可和城小而堅可計取難力破也子
興曰安出曰向攻民寨時得兵號三千其文曰廬州路義兵
今擬簡萬三千人三千人被青三千人被絳青衣椎髻左衽
佯為彼兵載四橐馳聲言廬州兵送使者和陽犒士必納
則乘以絳士取之必矣子興曰善使張天祐湯和領青衣三
千趙繼祖為使者前行歇再成領絳衣萬人繼之期於城門
會天祐從他道食失期元將覺繼而戰再成不利中矢走衆
皆潰元人追之日暮還天祐始至值於道急擊元人夜還追

至小西門元人抽門橋我軍奪馬湯和斬其橋繩天祐登城
大呼衣服相亂遂入據之元平章也先帖木兒而再成還告
敗子興咎 公子失計俄報元使招降兵且至益大恐 公
子曰毋畏集滁兵於南門召元使從南入叱令膝行歸之明
日元兵疑而引還子興以再成天祐陷没俾 公子以三千
往收其亡卒 公子復得千餘人與徐達李善良將之夜至
和州知天祐等克城呼於門門炬 公子免胄示之遂入明
日撫定城中元兵復至 公子開門擊敗之於是子興委
公子總守和陽總兵當位諸將士而諸將多子興輩且年長




乃夜令人撒署中座置木榻俟旦會以觀其意旦諸將先入
皆右坐留最左末席與公子諸將臨事不能可否獨公子
專決之築城陷諸將丈尺分甃居三日公子甃就視諸將
未也公子作色置座南向出子興檄曰主帥命我總諸君
也公等城不甃柰何今與諸公約違則以軍法相治皆惶恐
服初諸將頗殺掠公子悉取軍中所得婦女還人大悅
高岱曰聖祖之駐滁和為取金陵計耳蓋金陵非大衆
未易克而衆非滁和豈能久集故略定遠以集衆據滁和
以俟時其施為節度胸中已有成美蓋即兵家之先堅後

瑕之術也乃居濠州不能展尺寸出濠至定遠即有衆及
數萬駐滁陽鬱不自得辭滁而和則能大振軍威乃知
蛟龍雖不能不藉雲雨而騰躍變化終不受制於人使漢
高不遣入關光武不遣狗河北則亦更始懷王之牙將耳
其何以自見哉

辛巳來兵十萬來攻和州公子及張天祐以萬人拒守間出
奇兵擊之

張士誠復據高郵

徐壽輝遣明玉珍掠夔州玉珍隨人世農家脩八尺重瞳隨人




相結屯青山推為屯長歸壽輝拜元帥鎮守沔陽敗元丞相
哈林禿兵沔陽飢以千人槩斗舡五十沂夔門質糧至巫峽
人多就之

二月朔巳丁劉福通自碭山夾河求得韓林兒復立之都亳州
號大宋皇帝改龍鳳元年杜遵道盛文郁為丞相劉福通羅
文素為平章劉祿為樞密院使林兒母楊氏善淫遵道通馬
林兒事決于左右日捕魚斫鮮為樂築樊樓歌舞不絕自稱
樊樓主人軍分三部閔先正潘王士誠等入晉冀趨上
都白不信李善喜等趨閩中毛貴田豐等趨大都福通忌遵

道專柄令甲士搗殺之自為丞相稱太保

陸深曰嗚呼金元之際尚忍言哉宋室不兢金人乘之以
彼悍堅柱此柔脆宜有餘力矣元之盛金戰代彌若弓馬
戈矛之間生民之幸不為糜爛者几何哉渡江之師一惟
勇力是視孰不憐之殆庚申君之覆滅也崩表首禍猶假
大金至正二年廣南
朱光卿作亂卒以妖民託宋亡之餘天命真人神
武不殺克成混一之功亦微有資于龍鳳云者是可以觀
人心之向往矣語云枯雞穴蛭豈徒以血氣然哉聊因偽


僭以錄驅除抑亦頌聖人之興非偶然耳



設遷曰宋帝焘降元封瀛國公俾尚公主後因侍宴有奇
怪之徵忌之遣學佛法于帝師遂居漠北其後明宗逃居
沙漠行帳適與瀛國公相近締好甚密一夕明宗方寢間
瀛國公帳中有笙鏞聲問其故乃嬰兒始生而啼也知其
非常人遂乞歸養為子安懼帖睦爾是也閩人余應有詩
紀之見何喬新鄭曉所載又瀛國雜髮號令尊大師終嫌
死舅氏吳涇夢來告曰吾得請于帝行報矣噫由前而觀
則順帝即宋之遺裔也由後而觀則報元者安知非林兒
哉楚雄三戶亡秦必楚韓氏雖妖說搖動天下以為江左

之前茅將妖夢是踐亦不足怪矣

三月朔元兵屢敗去之和城復乏食而元太
副使絆馬住民兵元帥陳瑊先各分戍高望新塘青山雞籠
山公子往攻之元乘我出則復至幕官李善長擊卻之元
兵皆走渡江蓋連戰三月乃解方急時諸將謂張天祐曰公
輩度能自卻元人乎否則當聲其援天祐遂往見林兒拜郭
子興都元帥天祐右副元帥公子左副元帥公子見檄
不受曰大丈夫不副人諸將曰明公方欲渡江舉吳楚兼甌
越今滁和間我屬我不受宋命生一敵也受之緩急猶可倚



夫公方舉大事柰何于彼示外耶 公子僅用其元紀年

設遷曰諸家云 聖祖不受宋命則何以用其元也漢之

初臣於義帝唐之初臣於突厥區一命亦不足累也後

制贈先人吳國公 聖祖無少諱宏哉 帝度矣

濠師孫德崖擁衆就食和州且求入城 公子畏其衆勉納

之郭子興聞大怒自滁來 公子迎見子興不言者久之已

問為誰 公子稱名對曰因昔公困辱孫氏某實破其家以

出今來此公無宿憾乎子興默然而德崖亦不自安請還去

公子曰今兩軍共城其下必有不諧者當令諸軍先行而公

自留後德崖從之 公子先送德崖部將項之子興與德崖

鬥兵卒多傷 公子聞之與耿炳文吳禎策騎返扼于孫氏

軍有故人得縱 公子而馳追及之墜馬又故人呼馬同載

遇德崖弟麾兵前客張某亟止之曰爾兄在郭公所若殺朱


君則爾兄益不保盍少待張走子興所見繫德崖共食張亟

反為孫氏軍請命旦止 公子于麻陽子興聞之遣徐達等

數人博質釋德崖 公子乃還

都元帥郭子興卒子興四子先二子忌 公子嘗閑之虛舍

絕其食 高皇后私懷鑄焦舖之又懼二子見匿焦當胸



欲腐長子 戰沒餘子皆不良死或曰皆 公子意也 公
子併將其軍洪武三年追封滁陽王妻滁陽王夫人廟滁州
王世貞曰豪傑之興必有所憑藉然未有如滁陽王者誠
真龍於豫且之網而活之且假以雲雨焉非子而非女
而女 帝之有天下則誰力也物無兩大中道而夭顧亂
斬 聖代雖血食世 不絕焉足當報哉焉足當報哉
方谷珍入懷慶元斥地至上虞
四月丁巳朔懷遠常遇春來歸遇春嘗從羣盜劉聚薄之 公
子以其壯勇推為軍鋒

孫德崖來爭滁州為吳禎胡大海所殺

左君弼據廬州巢縣人廖永安俞通海合肥人張德勝無為
人宋世傑含山人華高共結水軍于巢湖與君弼戰不克

五月 朔巢湖寨遣韓成來附 公子謀渡江方需舟楫甚善

之曰吾大事濟矣即以兵往道涸遠大雨乘漲達巢湖

壬寅擊元中丞蠻子海牙于浣溪口敗之遂還和州定渡江

之計或欲直趨集慶路 公子曰取金陵必先采石此南北


襟帶也

六月乙卯朔 公子率諸將乘舟渡江

國權

至元


二十



丙辰廖永安請所向 公子以采石重鎮勢難克牛渚磯臨
江彼不能備也元將康茂才陣磯上舟去岸丈餘克不登常
遇春飛舸奮戈躍而上諸軍從之元兵大潰克采石緣江諸
壘望風迎附乘勝抵太平路元平章完者不花萬戶萬鈞達
魯花赤普里罕忽里欲拒我急攻拔之完者不花僉事張旭
等遁執萬戶納罕出總管蘄義出東門赴水死命禮殯之禁
鹵掠先令李善長具榜比入城榜之通衢皆斂輯富人陳廼
獻金帛即分給吏卒

丁巳召耆儒李習陶安對曰今四海鼎沸豪傑並爭攻城
屠邑互相雄長然其志皆在子女玉帛取快一時非有撥亂
救民安天下之心明公率衆渡江神武不殺人心悅服以此
順天應人而行弔伐天下不足平也 公子善之問取金陵
可乎曰金陵古帝王之都龍盤虎踞限以長江若取之據其
形勝出臨四方則何向不克 公子甚善之因預幄議

改太平路曰太平府李習知府事置太平興國翼元帥府
公子為大元帥李善長為帥府都事潘庭堅帥府教授汪廣
洋帥府令史陶安參贊幕府機事分戍繕城旗志及將士戰
衣皆尚赤



辛酉元右丞阿魯灰副樞絆馬住中丞蠻子海牙等以巨舟
截采石江閉姑孰口絕我歸路方山寨民兵元帥陳堃先率
數萬衆來攻 大元帥遣徐達鄧愈湯和出姑孰東迎戰以
別將潛繞其後轉戰至城北忽雙龍見雲端元人愕仰視我
兵夾擊之堃先大敗擒而釋之使招其軍則皆降阿魯灰蠻
子海牙等見堃先敗還屯峪溪口


甲子徐達克深水州

七月壬辰趨集慶路留陳堃先于太平命元帥張天祐往攻弗
克而還時堃先故部曲從行陰語其毋力戰

方谷珍臨温州黃巖章元善好從橫之術說谷珍曰夷狄無
百年之運元數將極不待智者而後知今豪傑並起有分裂
之勢足下奮襁一呼千百之舟數十萬之衆可立而待沂江
而上則南北中絕擅餽運之粟舟師四出則青徐遼海閩廣
甌粵可傳檄而定審能行此人心有所屬而霸業可成也谷
珍不能用

八月庚申復議攻集慶以陳堃先異志召諭曰人各有心從元
從我不汝強也堃先誓不負縱之還我師亦止

克深水州




戊辰陳瑋先既歸收餘衆屯板橋陰合元御史大夫福壽而
陽報大元帥曰集慶左環大江右枕崇岡不利步戰晉隋之
取江左皆效于舟師矣元人復盛兵守之睽綴三十里餘進
虞斷後守憂乏餉未可攻也莫若南據溧陽東扼鎮江絕其
餉道持久而勝之 大元帥知其詐報曰歷代克江南長江
限之吾今已渡江據上游與晉隋勢異步戰足克公毋再圖
丁丑裨將習伯容克蕪湖縣置永昌翼元帥府伯容為萬戶
九月癸未朔陳瑋先約元將左荅織里至其營詭生得之詔
大元帥來受俘姑許之不往

丁亥 元子標生 皇后出

十 戊戌元帥張天祐等復攻集慶

十 巳亥至方山破走左荅織里陳瑋先遂叛合福壽拒我元帥
張天祐及郭某俱戰死子興之長子也

巳酉陳瑋先從子兆先領其衆初天寧翼元帥定遠宋國興
年十八從擊瑋先追我溧陽經葛仙鄉民兵百戶盧德茂佯
降以殺瑋先瑋先從子兆先領其衆初天寧翼元帥定遠宋
國興年十八從擊瑋先 大元帥衣以白龍袍與常遇春馳
入其軍戰不勝被執以為大元帥殺之 大元帥得間脫是



日國興妻曹氏赴井身死國興弟日成

何喬遠曰予讀國史宋國興佚馬西亭侯世恩為予言其
狀死之日 高帝畫國興像賜其家衣白龍袍也畫旁常

開平方為小校從捉刀國興死與韓成何異嘗怪紀信誑
楚其人皆荆軻聶政之儔而不得漢高祖一封當亦曰帝

王自天授豈借一夫代其死命哉 十月 朔

十一月朔 元殺右丞相脫於淮安

十二月壬子朔釋元萬戶納哈出北歸 元初功臣本華黎孫 納哈出居常

悒不樂令降將萬戶黃儔硯之納哈出曰雖荷朱公不殺

而北人終思此因并元御史張資遣之

元中丞蠻子海牙復大扼水軍于采石陳兆先屯方山與海

牙相望我治日礮巨艦列守要害待之

丙申 元至正十六年 宋龍鳳二年


正月 朔

二月朔張士誠臨平江路先是士誠以淮東飢遣江陰盜朱

定道之遂留兵高郵自通州渡海臨常熟至是攻平江守將

楊椿力戰死總管貢師泰遁去因轉掠松江湖常易平江路

曰路平府即承天寺為行宮弟士德為平章陰陽人李行素




為丞相蔣輝為內丞相潘原明為左丞相鎮守湖州要隘使
李伯昇節制軍務王敬夫蔡彥文葉德新為叅軍鍛工周仁
為隆平太守

丙子 大元帥擊蠻子海牙使常遇春設疑兵而大軍搗之
既合遇春別操輕舸衝元舟為二左右翼擊飛礮碎其舟大
破之俘獲萬計南北道始通蠻子海牙走集慶

三月辛巳朔 大元帥趨集慶

癸未至江寧鎮敗陳兆先擒之降其衆三萬六千人擇驍健
五百人夜置帳下獨使馮國用執寢戈 大元帥解甲酣寢

三萬六千人皆得安 諸將皆曰大元帥之威靈如此其
庚寅進兵集慶未及五里大鼓噪元人皆驚行臺御史大夫
福壽出戰擊敗之大軍薄城下梯而登福壽猶巷戰兵潰坐
鳳凰臺或勸之道叱而射之遂遇害平章阿魯灰叅政伯家
奴集慶路達魯花赤達尼達思等亦戰死獲御史王槐元帥
李寧等三百餘人蠻子海牙走投張士誠水軍元帥康茂才
苗軍元帥尋朝佐許成劉哈刺不花海軍元帥葉撒及阿魯
灰部將完都等各率衆降召官吏父老曰元失其政所在紛
擾兵戈並起生民塗炭吾為民除暴亂耳各守生業賢人君




子吾當敬禮以用之舊政不便吾除焉得兵民五十餘萬閔
福壽禮葬之

邱濬曰自古帝王之都多在江以北江南形勢之地莫若
金陵自孫吳都此繼以東晉宋齊梁陳終於南唐凡七代
皆偏安一隅惟 聖祖始混一天下建都于此蓋自開闢
天地以來所未有也
高岱曰自古帝王創業皆先定中原而後跨有東南未有
起東南而後取西北者有之自 聖祖始聖人受命豈擇
地而興哉 聖祖龍飛淮甸與漢高之起豐沛地不甚相

遠然漢高首事北狗梁宋 聖祖開拓南取金陵則勢自有
所不同耳嬴秦世載其虐天下欲亟亡之故先破關中而
後削平海內元綱解紐群盜並爭民所感額不先于元故
先芟群雄而後北逐此緩急殊勢故南北之異趨也
陳仁錫曰 太祖順流自采石取金陵 成祖逆流自儀
真入金陵長江險矣而江防為要宋人之言曰屯兵據要
雖在于江南而挫敵取勝多在于江北

辛卯改集慶路曰應天府置天興建康翼統軍大元帥府廖安
安為統軍元帥趙忠為興國翼元帥守太平置上元江寧二



縣錄儒士夏煜孫炎楊憲等十餘人

大元帥慮諸將縱卒患民悉召徐達等數其不能戢下令軍
正使定罪李善長懇救乃免于是命徐達等取鎮江戒毋焚
掠正屠僂諸將故 大元帥等夷獨湯和恭謹不敢鈞謹諸
將以次臣屬焉

丙申徐達湯和張德麟廖永安攻鎮江明日克之苗軍元帥
完者圖出走守將段武平章定定戰死達入城號令明肅一
切安堵如故達自是專將

己亥置淮興鎮江翼元帥府徐達湯和為統軍元帥改鎮江

路曰江淮府

置秦淮翼元帥府俞通海為元帥


前元江南行臺侍御史洛陽秦從龍僞鎮江 大元帥幣迎
之治館召與謀所籌輒書於漆簡語已輒滌人莫得聞也從
龍薦處士陳遇 大元帥手書徵之稱先生不名

四月壬子張士誠陷浙江湖州府

乙丑克江南金壇縣

五月庚辰朔安徽當塗人獻瑞麥

六月乙卯元帥鄧愈邵城總管湯昌克廣德路改廣興翼行軍



為元帥府

辛未置行樞密院于太平總管花雲為院判

壬申降人陳保二叛附張士誠誘執我將詹某李某以去保

二條江南武進縣奔牛壩人曾聚眾降附于湯和

乙亥遣儒士楊憲遺張士誠書通好書曰足下兵由通州遂

有吳郡昔隗囂據天水以稱雄今足下據姑蘇以自王吾深

為喜吾與足下東西境也睦隣守國保境息民古人所貴吾

甚慕焉自今以後通使往來毋惑于交構之言以生邊衅士

誠閱其書拂然不悅乃執拘之

七月己卯朔 大元帥進為吳國公即元御史臺居之置江南

行中書省李善長宋思顏為參議李夢庚郭景祥為左右司

郎中侯元善楊元果陶安阮弘道為員外郎孔克仁陳養吾

王愷為都事王濤照磨樂鳳管勾夏煜韓子魯孫爰博士

置帳前總制親兵都指揮使司馮國用為都指揮使

置左右等翼元帥府華雲龍唐暎宗陸仲亨鄧愈陳兆先張

彪王玉陳本等為元帥


置五部都先鋒陶文興陳德等為之

置省都鎮撫司孫養浩為鎮撫置理問所劉禎秦裕伯為理

國權

至元

三



問置提刑按察使司王習古王德芳為僉事置兵馬指揮司
達必達為指揮稽察奸偽

置營田司

辛丑張士誠來攻鎮江徐達湯和擊敗之龍潭命達攻常州
吳國公益其兵三萬薄城而壘士誠弟士德以數萬衆來援
達設伏待戰總管王玉別將鈇騎衝其中堅軍亂玉子虎追
士德及坎墜馬擒之士德梟鷙有謀至是士誠氣稍沮

八月己酉張士誠元帥江通海來降


庚午常州久不下奪元帥徐達以下俱降一秩書讓之曰
降失陳保二老師孤城吾所以重過將軍也將軍勉思補前
過大善否者三尺不貸

九月戊寅朔吳國公如江淮府謁孔廟勸農完城塹置金山水
寨總管徐忠領之遏寇南北乃還

十月丁未朔常遇春為管軍總管

戊申張士誠遣孫君壽求成歲輸粟三十萬石黃金五百緡
白金三百斤請釋士德 吳國公報歸我楊憲加粟五十萬
石始旋師士誠不答

十一月壬子以常州人不下益兵二萬人圍之初張士誠誘降



我長興元帥鄭僉院兵七千人因率僉院攻徐達湯和壘扼于牛塘常遇春廖永安胡大海與達內外夾擊大破之生擒其將張德士誠更遣呂珍協守常州

丁亥次子櫛生

十二月丙子朔復名江淮府曰鎮江

王志為懷遠將軍右副元帥

丁酉元至正十七年 宋龍鳳三年

正月丙子朔日食

二月丙午朔耿炳文劉成自廣德克長興張氏將趙打虎以三

人十逆戰敗走之擒守將李福安谷失蠻等獲三百艘義兵萬

戶蔣毅以二百人儒士溫祥卿避亂來歸炳文禮異之留降

贊軍事

三月乙亥朔次長興州曰長安州立永興翼元帥府耿炳文為


兵都元帥劉成李景元為左右副元帥守之

壬午克常州張氏兵雖眾食盡拔之呂珍遁

廖永安為行樞密院同僉俞通海為行樞密院判官常遇春

為中翼統軍大元帥胡大海為右翼統軍元帥充宿衛

丁亥置毘陵翼湯和為樞密院同僉總管張赫為元帥守之改



常州路曰常州府臨邑人高復權知府事復大惠政民愛之
乙丑復改常春府為常州府改晉陵武進二縣曰京臨永定
尋併永定

徐達常遇春桑世傑克馬獻沙

明玉珍陷重慶


四月丁卯吳國公克寧國路先是徐達與常遇春率將兵前往
不拔乃自援之造飛車前編竹為重蔽數道並進守臣楊仲
英等乞降百戶張文貴妻妾自刎死文貴自殺之執元帥朱
亮祖釋之得軍士十餘萬馬二千餘匹輜重無美屬縣太平

旌德南陵涇縣以次下

五月己亥朔張士誠遣左丞潘元原明元帥嚴再興侵長興屯
上新橋耿炳文擊敗之俘斬甚衆

設遷曰國史于陳友諒張士誠革輒書寇夫寇非所言也
彼未我臣何寇焉俱田間布衣仗尺劍起事雖仁暴懸殊
亦自有幸不幸焉若元之左衽其帝中國久矣蒙其生養
之力亦未盡以春秋之義繩之迨驅之沙漠之外則直夷
之矣不得以槩論也

戊寅上元鍾山鄉人進瑞麥



已卯江淮行樞密院副使張鑑僉院何文政攻秦興張士兵
來援元帥徐文興張斌擊敗之克秦興縣

壬午常遇春駐銅陵池州路總管陶玘祖來降

丙申常遇春遣趙忠王繼祖攻池州府之青陽縣趙普勝來
援繼祖擊敗之克青陽普勝本巢湖水軍總管元帥叛降徐
壽輝驍勇善雙刀


樞密院判官俞遇海趙馘畧太湖馬磧山降張士誠將鈕津
等遂歷東洞庭山呂珍兵暴至衆欲退通海曰不可我寡以
甲蒙士督戰于舟前曰余將軍呂珍疑之引去

六月乙未朔趙繼祖郭天祿吳良取江陰周人據秦望山拒我
攻走之初張士誠跨有淮海浙西則長興江陰其要也長興據
太湖口陸走廣德江陰枕大江扼姑蘇通州之津今並為我
有侵軼路絕

七月丁丑徐達狗宜興克常熟縣張氏兵敗之

戊寅鄧愈胡大海克績溪縣

庚辰胡大海克徽州元帥八思爾花及建德路萬戶休寧吳
訥拒戰擊敗之走遂安訥自殺斂人鄭玉善五經尤邃春秋
教授于鄉大海欲致之玉曰吾旣不得慷慨殺身以厲氣節



猶當從容就死以全節義明日具衣冠夫婦仝縊

壬午元帥鄧愈為行樞密院判官陳德為帳前大元帥萬戶

吳復為統軍元帥康茂才為秦淮翼水軍元帥

己丑改徽州路曰興安府立雄鋒翼元帥府命鄧愈守之

丙戌元帥葉公權江軍信克黟縣

元帥胡大海克休寧進攻婺源元左丞楊完者以兵十萬欲

復徽州戰城下破走之殺鎮守李才

八月丑元授方谷珍江浙行省叅知政事海道運糧萬戶如故

九月癸酉元婺源州元帥汪同總管王起宗黟縣尹葉茂祁門

元帥馬國寶來降

甲戌元浙江平章夏章等來歸

丙戌廣興翼元帥費子賢克武康縣

十月壬申翼大元帥常遇春自銅陵進攻池州府克之斬元帥


洪^某得糧九千餘石

甲申 吳國公閱軍於大通江命元帥繆大亨取揚州青軍

元帥張明鑑等出降得衆數萬馬二千餘匹置淮安翼元帥

府元帥張德林耿再成等守之改揚州路曰淮海府李德成

知府事時城中居民僅餘十八家



十一月朔徐壽輝將陳友諒殺其大將倪文進居江州

十二月丙戌明玉珍據重慶

已丑令曰干戈未寧人心初附犯者縲有司吾甚憫焉其自
今月二十日昧爽前罪無輕重皆釋之

戊戌 元至正十八年 宋龍鳳四年

正月庚戌樞密院同僉廖永安判官俞通海桑世傑攻張氏元
帥欒瑞于江陰石牌寨克之世傑戰死

甲寅廖永安為同知樞密院事

張士誠侵常州守將湯和擊敗之俘數百人

乙卯行樞密院判鄧愈遣王弼孫虎汪同孫茂先等取婺源
州克之殺守將缺木兒不花獲士卒三千人

是月陳友諒陷安慶元淮南行省左丞余闕死之

姚福曰余公守安慶群盜四面攻之 太祖與接壤不加


一簇何也其時友諒僭大號據全楚 太祖提師渡江而

東若悉力以攻堅城不惟頓兵挫銳自撤屏翰身受強

敵則亦安能從容俛仰礪兵秣馬以觀四方之衅而出萬

全之計哉此其遠畧何如也以是而論余公雖為元守實

為我用其後友諒雖下安慶兵力自是漸衰而勃興之朝



已莫能禦豈非天哉

二月己亥吳禎為天興翼副元帥同兄良守江陰戍卒不五千
人接壤張氏練兵積穀民甚賴之

常遇春為江南行中書省都督馬步水軍大元帥朱文忠為
帳前總制親軍都指揮使司左副都指揮兼領元帥府事元
帥康茂才為營田使兼帳前總制親軍左副都指揮諭茂才
理財之道莫先于農春作方輿宜分巡各處俾高無患乾甲
不病滂務蓄洩有時若使有司增飾館舍迎送奔走非付任
之意文忠公柿子也

單安仁為提刑按察使副使

二月己酉改毘陵翼為指揮司

命提刑按察使僉事分巡郡縣錄囚

丙辰克建德路初行樞密院判官鄧愈親軍左副都指揮朱


文忠元帥胡大海自徽州里嶺關出遂安敗長槍元帥余子

楨兵又追敗之淳安降三千人抵建德元叅政不花院判慶

壽長槍元帥謝國璽達魯花赤喜伯都刺總管楊瑀棄城遁

楊璟尋朝佐為帳前總制親軍副都指揮使

壬戌改建德路曰建安府立德興翼元帥府



元江浙行省左丞楊完者來攻建德鄧愈擊敗之降三萬人
進鄧愈同僉行樞密院事胡大海為行樞密院判官留文忠
鎮守建安

元進方谷珍江浙行省參政尋擊張士誠于崑山海上大敗
之曰屢進太尉江浙左丞賜衛國印弟子賓客皆拜大官
四月己巳朔徐壽輝平章陳友諒遣將趙普勝自樅陽陷我池
州樞密院判官趙忠被執

庚午元左丞楊完者攻徽州胡大海等擊敗之
丁丑楊完者攻建德朱文忠擊敗之獲萬戶羅壽

甲申陳友諒陷元龍興路


五月壬子楊完者復攻建德屯烏龍嶺同僉鄧愈擊走之

六月癸酉左副都指揮朱文忠下浦江有感德鄉鄭氏自宋聚
族同居至元旌義門復其衆至是戒吏卒無犯

中翼左副元帥謝再興元帥趙德勝總管劉貞等略石埭值
陳友諒兵敗之擒其將錢清孟友德張導道等及部卒四百
餘人

甲午張氏侵常熟廖永安敗其兵于通州狼山大獲戰艦

甲申總管胡通等克九華山寨萬戶鮑海以二千人據



寨設險兵莫能進乃潛師攀崖魚貫而上火攻克之

七月丁酉朔

八月己丑張氏侵江陰守將吳良擊走之

元江浙同僉負成遣苗軍元帥秦不花等通款初元檄寶慶苗楊完者舉兵攻復徐壽輝楚地轉至池饒江浙行省丞相達識帖木迺藉其力守杭屢敗張士誠完者恃功驕橫達識帖木迺陰約士誠攻其營完者倉卒不及備遽自經其衆奔潰部將負成等欲報怨令秦不花先至云苗帥李福等三萬在浙江嚴州府之桐廬縣願効順命朱文忠往撫之失完者


士誠始有杭州

九月戊戌鄧愈為僉行樞密院事

元江浙同僉負成率元帥李福劉震黃寶蔣英以三萬人降朱文忠受之令元帥夏子實率千人統其衆于新城送負成應天

十月辛未樞密院判胡大海取蘭谿縣獲元廉訪使趙秉仁等十四人馬牛羊萬頭立閩越翼元帥府進次婺州

甲戌徐達邵榮克宜興初久攻未下公聞城西通太湖致餉命絕餉道拔之同知樞密院事廖永安以舟師邀于太湖



深入為呂珍所獲

戊寅改宜興曰建寧置全吳翼元帥楊國興等守之尋仍宜

興州

壬午雄鋒翼總管胡天福袁政江大亨取浙江開化縣斬五

百級生擒達魯花赤脫鉄木兒

戊子元帥羅友賢復取建德先趙普勝臨之至是簡銳戰葛

公嶺斬萬戶汪彥章普勝遁

十一月辛丑立管領民兵萬戶府俾農時則耕暇即習武有功

槩擢庶凡古人寓兵之于農之意

壬子 又次子 櫛生

十二月乙丑朔日食

籍戶口

庚午遣主簿蔡元剛招東陽長槍元帥謝國璽不從其部將


同僉何 陰遣龔敬約降

庚辰 吳國公自寧國趨徽州道問故老者儒賜布帛前池

州學正休寧朱升對曰高築墻多積糧稱王 吳國公大 緩

悅又儒士唐仲實姚璉來謁問鄧愈築城百姓怨乎仲實曰


頗怨立罷之至德興聞張氏據紹興之諸暨乃引兵道蘭谿



壬午抵婺州樞密院判胡大海為僉樞密院事命掾史周得
遠諭不下圍之而元叅知政事石抹宜孫守處州與叅謀入
胡深等以萬人出縉雲來援深至松溪未即進 公聞其戰
車數百輛謂山隘非便遣胡大海與其子德濟擊破之梅花
門外擒元帥季彌章婺人大恐樞密院同僉寧安慶都事李
相開門納師浙東廉訪使楊惠婺州達魯花赤僧住皆死之
執南臺侍御史帖木烈思院判石抹厚孫等
甲申入婺州斬取民財者以徇先一日城西五色雲綢縕如
車蓋及是知 公所駐兵地也

丙戌置中書分省于婺州調李夢庚郭景祥為分省左右司
郎中王愷為都事夏煜為博士樂鳳為管勾立金華翼元帥
府改婺州曰寧越王宗顯知府事諭之曰克敵以武安民以
仁吾師比入建康秋毫無犯故一舉遂定今婺民始甦當軫
卹使樂于歸附則諸郡縣景從矣
立觀星樓于分省東偏置寧越稅課司及雜造局織染局
賑貧民禁酒

辟儒士范祖幹葉儀祖幹持大學又問治道何先曰不出此
書召儒士許元葉瓚胡翰吳況汪仲山李公常金信徐孳章



冀戴良吳履章起敬孫履皆會食省中日令祖幹儀進講治
道文史授諮議皆辭祖幹少師許謙親沒不能葬鄉人治塚
悲哀三年如一日命建純孝坊

選寧越七縣富人子弟宿衛曰御中軍


寧越女曾氏自言善天文妄言災異僂之

浦江縣民兵可大來降

雄鋒翼元帥王遇成狗下昌化

吳國公遣儒士陳顯道招方谷珍

已亥 元至正十九年 宋龍鳳五年



國權三の千冊 内少の千冊

首簡二冊

勅封^{十三} 郵爵^{十三} 成院^三 直院^十 幕^三 幕^三

部院^二 内簡^六 幕^六 幕^四 幕^三

甲科^十 朝^九 幕^八 幕^九

太祖起^五 吳王^五 幕^九 幕^九

洪武元^五 至^三 千^一 年 幕^十 幕^三

内缺五^六 年及^三 千^三 年^一 年

幕^六 及^三 千^一 冊

惠帝建文四年 幕^三 幕^六

成祖永樂二年^中 幕^七 幕^五


仁宗洪熙元年^五 幕^二 幕^五

宣宗宣德十年 幕^十 幕^三

英宗正統六年^内 幕^三 幕^三 幕^七 幕^六


代宗景泰七年^内 幕^七 幕^五 幕^五

英宗天順六年^内 幕^六 幕^五 幕^五



國家圖書館, NATIONAL CENTRAL LIBRARY, TAIWAN, R.O.C.

朱國楨曰韓成之死國史所紀在 上舟膠淺之先一日
弟云徐達等敗其前軍俞通海等復乘風縱火焚寇舟二
十餘艘溺者甚衆我指揮韓成等亦戰死並無在御舟皇
急中服龍袍投水事康郎之祀丁普郎居首次張志雄次
韓成止三十五人並無程國勝蓋國勝實死于洪都被圍
之初列洪都祠中未當從戰鄱陽也今本皆云祀成居首
增入程國勝為三十六人去之二百五十年秩祀之典漸
湮不可考通志中稱三十五人是矣而孫原貞為記又曰
韓成等三十六人蓋不知何所自知而今皆仍之大約起




于朱學士墓志以程國勝與韓成駕舸之說也然則學士
之文要難徵信而同時同朝之人耳目必真又未可以輕
議也

己丑吳國公鳴角而進陳友諒御赤龍舸悉其巨艘連鑄
促戰曰赤厭白漢旌旗樓櫓萃如也我舟小仰攻多卻公
手旗麾之不前斬右隊長十人不能止丁普郎余袒陳弼徐
公輔皆戰死普郎身被十餘創首脫猶手兵若戰院判張志
雄為敵叢擊遽自刎郭子興曰舟實不敵火攻可也日晡東
北風甚急常遇春藥箭七艘火之焰漲天湖水盡赭陳氏弟

友仁友貴及平章陳普略等皆焚死我乘之斬二千餘級
庚申諭諸將併力時公舟檣白漢人覺而業之是夜各檣
皆白示莫測


辛卯陳友諒復大戰自辰至巳所殺傷我過當礮聲如雷劉
基侍公忽大呼公更舟公亟入舟他而前舟中礮矣漢
舟大上下不相聞卒死欲盡舵者尚呼櫓膠永忠俞通海汪
興祖趙庸以六舸深入仰殺漢兵初漢艘蔽之若沒俄瞥波
出諸將望之如勇呼聲動天地湖水盡沸漢人大敗棄甲伏
蔽江日暮陳友諒欲退保鞋山不得出夜我泊左蠡漢泊瀕



宜脩德邵帝名而待真主否則喪滅悔之晚矣陳友諒又置之不報漢人食盡遣五百艘掠糧于都昌縣大都督朱文正遣舍人陳方亮焚其舟益困我方兵克蘄州興國長沙已無建康矣太祖方定婺州遲回審固犯境不得不戰既戰不得復退鄱陽之役虧損兵將至多至三十五日而後決彼以暴我以仁彼以橫我以禮友諒自處絕地兩金吾叛去強弱衆寡其勢頓反決死冒圍終不為鴻溝之講一時之麗附者如饒昂臣熊天瑞輩甘心為用必不肯北

面其主天瑞既降而復叛人與地固風氣使然其亦所謂往而不返者耶一代創始必有剪除妖纏則星斗為昏妖滅則日月始朗特有大小久近之不同耳


設遷曰善兵不陣善戰不勝蓋止戈為武靜極斯動故扛鼎拔山未足為勇陳友諒出入戈鋌効力徐氏固已浴血千里暴骨百城矣迨黃州擅兵同宋義帳木之斬采石篡主效義帝江上之除霸楚偽漢跡不相懸假以保境息民推誠流惠舉江漢以為池標衡岳以作鎮國險甲強鬻熊良足師也顧嗜殺不休構怨江東照烽疊燧戍不卧鼓民



生其間非委頭顱于草野即任皮骨于徵求嗷之聲徹于四境而友諒殘忍性成終不悛也巨艦如山高牙若林百萬之衆空國而來汗則雨聲則雷鏖于彭蠡天地簸盪舉鬥將健卒半腐于江魚之腹噫樂戰如此俾得保世滋大則蚩尤不至于鹵池重瞳何因以馴逝也蓋天之業曾未四載鄭矢逾于中肩晉射潛于傷目彼固一世之雄也豈不痛哉雖然陳友諒亦無負矣為友諒之後人者又負友諒焉河東世仇朱梁甘于自盡景升豚犬劉琮遂以偷生友諒父子似為友諒色媿也

黃金曰予嘗聞之長者曰昔王師之蹙陳友諒順天應人固無不一當其十鄱陽之戰遇于赤壁修鯨鯢而殄豺虎如摧枯拉朽散亡之卒投戈請命此固神謨廟畧之有定然亦豫章之守有以老其師挫其銳遂致摧敗零落而不可支吾也


八月壬戌陳友諒勢蹙欲西還率百餘艘突湖口常遇春等遂以火舟火筏追擊之聯比沿流自辰及酉力戰不休至涇江口伏師復出擊之友諒目中流夫貫顱卒時缺冠道人臨川張和侍公曰友諒死矣不之信亡何有降卒奔告其狀將



士益奮大破之擒其太子善兒平章姚天祥等明日漢平章
陳榮泰政魯樞密使李才等各以所部降得五萬餘人漢
太尉張定邊夜載陳友諒屍同其子理走武昌追之不及友
諒年四十四驚悍為諸雄冠稱帝僅及四年其初起也父普
才戒之曰汝一捕魚兒耳而乃圖大事友諒曰相塚者言我
家當富貴今正其時矣及貴迎父父曰兒不守故業吾懼及
也先是吳國公謀用兵漢吳孰先或以張士誠近富而弱
宜先劉基曰陳氏據上流竊名號乃心無日忘我此不宜久
蘊崇之取陳氏則士誠囊中之物矣公善之

陸深曰陳友諒臂蓬湖提戈荆楚遂能屢破堅城卒僭
尊位可謂勇矣然既戕主帥復弑天完凶戾罕疇殘虐無
厭人謂項藉矯殺冠軍陰弑義帝大抵同矣及天命有歸
真人首出諒不能委身江漢輸款闕廷而乃犯我龍江闕
我洪都盛兵東下志氣驕悍此何異榮之圖也卒之授
首都陽鯨鯢盡殪亦何暇烏江之刎乎啟爵于林啟魚于
淵蓋聖王之鸚鵡云爾


高岱曰友諒之勇悍雄畧雖或未及項羽而標迅飄忽大
困而氣不餒屢躓而勢復振觀其龍江敗歸還襲安慶九



江之失疾奔武昌及徐達召還不旋踵而有江州之入是以敗衄之餘旬日之間而能陷城郤敵蓋深通兵法不阻不撓故能開拓封疆奄有荆楚亦一世之雄也惜昧于強弱之勢眩于先後之幾金陵可與合從而不可圖者乃先自相仇敵攻戰至無虛日至南河形勝之地韓林兒劉福通輩皆非勘定之才顧不能進取襄鄧以窺中原其策已繆矣及其東下也金陵無釁可乘則擁衆遠涉以取龍江之敗及我出援安豐金陵可乘矣乃老師南昌而不能擣根本之虛雖天命有在未可力爭而用兵之道當如是哉

然聖祖之所以得肆力于陳友諒者則以張士誠之乏遠圖耳觀其鄱陽之戰亟命徐達率兵歸守建康友諒既殂諸將勸之西蹙武昌竟不從而班師者拳、以東吳之乘虛為可慮耳但英雄駕馭之術不欲以机事泄告于人而區、戎簡之輩夫豈足以測聖心哉

設遷曰陳氏善用兵方其事文俊佐壽輝支旗所及靡堅不瑕迨專國柄稱帝制跨有江漢土廣鋒鋦東南無二於其強大日尋于長矛大鏃之間兵猶火也不戟將自焚龍江洪都之師在漢為曲然愈蹶愈奮至傾國六十萬嘗試



江流牧野昆陽赤壁泚水古帝王豪傑能用其衆者未之
有聞非 聖祖當之有望風而靡耳噫勁如友諒竟歸興
尸之凶力不勝德從古為有然矣

攻洪都府曰南昌府

甲子遣兵追陳理於武昌不及理即皇帝位改德壽元年

乙丑同僉行樞密院守江淮府定遠繆大亨卒大 倡衆二

萬人屯橫澗山來歸屢立功守江淮有善政

九月丁卯朔 吳國公發湖口東還

壬申至應天賚將士有差

壬午命李善長鄧愈留守應天復率常遇春康茂才廖永忠

胡廷瑞等西搗武昌

諸全叛將謝再興以張氏兵犯東陽左丞朱文忠自嚴州救

之千戶夏子實郎中胡深為先鋒戰于義烏縣文忠自後橫


擊敗之曰拒諸全十五里曰五指巖城之令胡德濟分守

是月張士誠稱吳王士誠脅元江浙行省丞相達識帖睦爾

請王爵再三皆不報元戶部侍郎博羅帖木兒徵漕怒弗與

竟自立尊母曹氏為太妃內史陳基謂且當需時不聽崑山

郭翼上書曰明公伏馬筮下婁地及越數十城望風請服者



人皆苦元政守吏貪殘自恣不恤其下非能極慮安危者也
故民離散而莫與之守今誠能反其政休勞之率以乘時進
取則霸業可成若遽自宴安湛于逸樂不惟精銳坐銷且四
方豪傑並起相攻壞進地益雖欲閉境自守勢將日蹙且吾
又所必爭也其能保守哉士誠志翼逸去元御史大夫普化
帖木兒封印庫中自鴆死丞相達識帖睦爾亦死弟士信為
丞相時吳浙繁盛殷富士誠驕佚無斷政在文吏而士誠尚
持重寡言為好士築景賢樓弘文館士無賢不肖輿馬供帳
甚都人多奔走馬至士信柄國疎簡舊將用叅軍黃敬夫蔡


彥文葉德新皆奴才由是上下乖疑莫肯用命

十月壬寅 吳國公兵至武昌柵其門以舟絕江分兵徇漢陽

德湖北諸郡皆降

癸卯贈張德勝光祿大夫江淮行中書省平章政事追封蔡
國公趙德勝榮祿大夫江西行中書省平章政事追封梁國
公蔡世傑安遠大將軍輕車都尉行樞密院判官追封永義
公

十一月



十二月丙申朔 吳國公發武昌東還留常遇春堅守營柵以

困之若衝突弗與戰

甲寅至應天

戊午閱武雞籠山還坐西苑問指揮華雲龍等能知其數否

對曰不知 公曰陣勢方圓縱橫倏忽莫測善兵者少為眾

弱為強伐謀制勝勇詘其力智詘其謀斯為神矣大抵以正

應以奇變奇正合宜應變弗失百勝之道也

甲寅 元至正二十四年 宋龍鳳十年 夏天統三年


正月丙寅朔 吳國公進稱吳王建百司官屬李善長為中書

右相徐達為中書左相國常遇春俞通海為平章政事汪國

廣為右司郎中張昶為左司都事

國權 至元

七九



丁卯減收官店錢


戊辰 吳王退朝語徐達常遇春李善長等曰卿等共推戴予今當協心成治建國之初先正紀綱紀綱先禮元氏之亂主荒臣專今儀鑒之

庚午 王御白虎殿語叅議孔克仁曰自元運既隳豪傑互仇吾欲一之以江南兩淮之民各近城而耕練則兵耕則農兵農兼資可進可守乃積糧兩淮俟時而動克仁稱服

二月乙未朔 吳王復西往武昌視師

乙亥至武昌益攻城時漢丞相張必先守岳州太尉張定邊潛使乞援必先引兵去城二十里軍洪山我常遇春率兵五千擊之必先大敗擒之縛示城下曰潑張我得矣漢氣大索城南高冠山俯城中可瞰漢兵屯焉 吳王曰誰能奪此傳友德前趨之鏃出腦若脇友德棄腦鏃抽脇一鼓奪之漢人大懼居數日 吳王使漢舊臣吉水羅復仁招諭陳理復仁曰大王不忍糜漢而使臣招必陳氏之孤得保首領而臣不食言臣雖死不憾 王曰吾力非不能得漢頡兵而待念民耳羅復仁哭城下陳理驚召入相持哭告之故乃約降

設遷曰陳理豎子耳戰將半隕其不支宜也往聞友諒虐



民然圖武昌六閩月未下斯何以稱焉又稗史稱漢同僉
陳英傑望 吳王之壁馳掣入帳下郭英從旁來躍馬奮
臂同僉應槍倒此即敬德之護秦王也意郭氏後人勛飾
稱故不足信 聖祖素嚴重安有牙門如無人焉者又實
錄盛稱鉄冠道人周顛仙事雖確恐開狐鳴魚書之誕為
盡汰之

漢陳友富自潭州降 友諒元

故漢將李明道被獲誅于武昌所畜犬跑沙瘞其骸命堊明
道

甲寅 吳王諭諸將曰諸公久從吾勞苦矣勞者逸根若為
甘機若農人耕田以庸有秋毋先之乎暇豫也


乙卯立湖廣行中書省樞密院判楊璟為叅政

丙辰 吳王發武昌命常遇春遣送陳理官屬

三月乙丑朔 吳王至應天

丙寅封陳理歸德侯普才承恩侯友富歸仁伯友直懷恩伯
贈友仁而康王初陳理降入告母楊氏氏嘆曰吾不能為益
景母也立自遂經

丁卯命金大旺守撫州



置起居注給事中

皇六子楨生

諭廷臣曰慄悍驕暴非人之性也必禮法以一之制禮立法非難遵禮守法為難最令所急也

戊辰中書左丞湯和為平章政事

定大都督府行中書省都鎮撫司統軍元帥府各衛親軍指揮使司官制


已巳儒士句容戎簡入見語及陳氏曰往敗陳氏入九江宜乘勝擣武昌而乃引還何也 吳王曰汝豈不聞覆巢之下

有完卵乎果乘勝亟追彼必死鬥殺傷多矣故遣偏師綴其後彼劍殘偷喘我大軍臨之全城降服尤得策耳

庚午悉罷諸翼統軍元帥府置武德豹韜飛熊威武廣武興武英武鷹揚驍騎神武雄武鳳翔天策振武宣武羽林各衛親軍指揮使司

勅中書省臣許山林士伍上書効用民間俊秀年二十五以上有學識才幹者辟付中書


江西行省進漢金縷床 王曰此何異孟昶七寶溺器亟毀之侍臣曰未富而驕未貴所以亡也 王曰此覆車也而後




富亦豈可驕貴亦豈可侈哉
辛未御西樓有數卒叙功求陞賞王曰爾有功未始遺也
爾不見徐相國耶其同從者猶在行伍予亦豈忘之乎但其
才智止此耳勉立功毋奢望為
丁丑諭中書省臣曰先王不施賞而民勸于善不施罰而民
不為戾何也仁義本之也商變夏周變商仁義未嘗改卿等
其共勉之
郭子興為鷹揚衛指揮使金朝興為龍驤衛指揮同知傅友
德為雄武衛指揮使

四月甲午朔 王退朝與孔克仁等曰秦主虐臣佞天下叛之
漢祖起布衣寬大善駕御遂帝天下今元政弛極豪傑蜂起
皆不脩法度以明軍政因感嘆久之
乙未置醫學提舉司
中書省臣上宗廟祭及薦新禮 王覽之自白虎殿退至戟
門忽悲涕語宋濂孔克仁曰昔歲凶二親俱在力不能養今
化家為國追思二親痛何可言

平章俞通海叅政張興祖自劉家港敗張氏兵于江南通州
丙申立康郎山廟祀江西行樞密院同知丁普郎帳前總制





都督指揮使司左副都指揮韓成水軍元帥宋貴太平興國

翼元帥府統軍元帥陳兆先樞密院判官兼水軍元帥張

志雄右副元帥王勝李信左副元帥余昶昌文貴元帥府同

知元帥李品高右副元帥徐公輔劉義陳弼帳前上萬戶程

國勝中翼元帥府副使王峻住上千戶王鳳顯姜潤石明王

德鎮撫常德勝遂德山汪清朱昂裴軫千戶王喜仙陳冲汪

澤丁字副千戶常惟德袁華史德勝王理王仁雲騎後都尉

鄭興羅世榮鎮撫曹信

未及碩于廟中有司又不能上請所以兩廟封爵俱仍甲辰

之舊程國勝即汪廣洋妹婿

甲辰改各門總管府曰千戶所設正副千戶各一

乙巳立南昌忠臣祠祀故平章趙德勝樞密院判官李繼先

左副指揮使劉齊統軍元帥指揮許圭右副元帥趙國昭同

知元帥朱潛元帥副使牛海龍千戶張子明張德山百尹徐

明總管夏茂成江西行省都事萬思誠洪都知府葉深臨江

府同知趙天麟

吳王聞功臣家僮多橫召徐達常遇春等曰卿等起艱難累

功舍人子逾越禮法不早懲之他日貽釁寧不為玷卿輩宜

速去之

丙午設湖廣鈔冶

丁未左相國徐達兵向廬州左君弼留其將張煥殷從道等守之自走安豐達圍廬州

已酉商稅三十取一京店曰宣課司外官店曰通課司


壬戌江西行省設貨泉局鑄錢

立部伍法諸將所部兵五千人為指揮千人為千戶百人為百戶五十人總旗十人小旗悉罷樞密平章元帥總管萬戶等名

吳王與詹同等論孫權題諸葛子瑜于驢面誌其子恪曰君臣主敬者禮之準也孫權不知此狎其臣而褻其父恪雖機辨不能正言君臣父子胥失之言動可不謹哉

五月丙寅諭諸將曰汝等所統兵雖眾寡不同若不識其能否臨敵何濟夫能知人則効力効謀鮮不盡心矣

丙子 吳王退朝御白虎殿閱漢書問宋濂孔克仁曰漢治何不三代也克仁曰王霸之道雜 王曰咎將誰始曰在高祖 王曰高祖創業未遑禮樂孝文時當制禮作樂復三代之舊乃遂巡未遑使漢家終于如是三代有其時而能為之



文有其時而不為耳周世宗則無其時而為之者也

漢

六月戊辰湖廣安定等處宣撫司向思明等來降仍設宣撫司
又置懷德軍民宣撫司統軍元帥二抽攔不夜黃石三洞長
官司斡坪洞元帥府一梅梓寮二洞長官司

諭諸臣盡言言猶水也故其長流水塞則眾流障遏言塞則
上下壅蔽詩有之曰先民有言詢于芻蕘諸公有所建明當

歷、脩陳之

丁巳袁州降將歐普祥卒

黃岡人徐壽輝左丞大司徒袁國公

戊午諭羣臣直言若隱避不言相為容默非事君之道已亦

何利

六月丁丑徐達常遇春克廬州張煥迎降

戊寅命平章常遇春會鄧愈及金大旺兵討江西上流未附

各郡

已卯左君弼部將許榮以舒城縣降


置江淮行省于廬州平章俞通海攝省事通海能招輯流民
多復業

八月壬辰朔常遇春鄧愈平新塗之沙坑麻嶺諸寨執叛將鄧

克明志明誅之

國權

全



乙未命左相國徐達按行荆襄以山寨遺孽俾招輯之

戊戌常遇春鄧愈次吉安饒鼎臣棄城走常遇春因趨贛州
庚子右副元帥王志為飛熊衛指揮使

常遇春次贛州命平章彭時中協擊中書右司郎中汪廣洋
叅謀遇春軍司諭廣洋曰熊天瑞孤城易拔恐破日多殺俘
可諭遇春等保全生命為心若得空城何益遇春乃徐圖之

九月辛酉朔置滁州千戶所合肥六合安二衛

戊寅御便殿問侍臣石勒符堅孰優詹同曰石勒為優王
曰勒聰察有餘果斷不足馴致石季龍之禍堅聰敏不足寬

厚有餘故養成慕容氏父子之亂俱不足道也

辛巳繪塑功臣像于下壺蔣子文廟

甲申改長安州曰長興州耿炳文為長興衛指揮使立劉成
廟初禦張氏戰死贈成懷遠大將軍


黃金曰 聖祖取天下躡蹠群雄而顛倒之首偽漢次偽

吳境壤相連使其謀通兵結亦大費征討 聖祖妙識其

機欲剪漢之羽翼故遣耿炳文守長興吳良守江陰以蔽

吳不孤所託謀足以制敵勇足以禦敵孤城血戰于貔貅

萬竈之疆者數年吳人一跡不敢南向 聖祖無東顧之



憂然後得以鑿偽漢而殲之是蔽吳者正所以滅漢也漢
既滅于是併力向吳釜魚籠鳥何所假息故亦不旋踵而
亡是滅漢者又所以滅吳也識者謂吳不亡于諸將會同
之時而亡于二臣善守之日亦信然哉
故漢平章姜珽以江寧降時徐達次沙市珽勢蹙詣達曰珽
當死百姓無罪達遂禁兵侵軼列郡聞之望風歸附尋改江
陵曰荊州
乙酉下夷陵尋改陝州
方明善攻平陽叅軍胡深擊敗之下瑞安趨温州明善懼謀

輸二萬金命班師

徐達次潭州湘鄉土酋易華歸州守將楊興來降

十月乙未遥授廖永安光祿大夫柱國江淮等處行中書平省

章政事封楚國公時永安被張氏囚蘇州甚念之先是欲還


吳兵三千人易永安士誠不可曰必易我士德遂中止

袁表曰高皇帝駐和陽欲渡江而苦于無舟賴永安諸

將以舟師迎附得渡江定基金陵寶王業所由始厥功不

細矣永安雖幽囚而死不完厥成其節義足稱云

乙卯行省都鎮撫改隸大都督府秩從四品專調各門守禦



千戶所

已未張士信侵長興守將耿炳文費聚擊破之擒元帥宋興
祖士信怒益兵圍城


贛州熊天瑞被圍子元震間出覘我兵猝值常過春數騎竟
過之已知過春復來襲遣壯士擊之元震奮鉄鎚拒我且鬥
且卻過春壯而舍之

十一月庚申朔故元帥俞廷玉贈樞密院同知追封河間郡公
辛酉置湖廣提刑按察司章溢為僉事尋改為浙東按察司
浙東行省左丞朱文忠為右丞按察司單安仁為左司郎中

諭中書省臣立國之初致賢為急中書綱領百司任人須小
大各適其宜莫邪之利能斷犀象以斷石則必缺騏驎之駛
能致千里以服重則必蹶必處之得其常用之盡其才可也
壬申故鄧克明部卒羅伍叛寇撫州守將金大旺討平之
庚辰置慈利軍民宣撫司土官覃厘夏克武為宣撫使司

辛巳命平章湯和自常州援長興
戊子 皇七子 樽生 定妃達氏出

湯和耿炳文合擊張士信大敗之獲八千餘人馬五百餘匹
士信出將多檣蒲蹴踘擁婦女酣宴其命將或卧不起邀



官爵美田宅既至軍亦日載妓飲博即失地喪師士誠置不問或復用之

十二月庚寅朔徐達克徐河南辰州漢左丞周文貴棄城走

徐達遣指揮傅友德克衡州元左丞南寧鄧祖勝棄城走

辛卯裁諸處通課司

乙巳吳王貽元擴廓帖元兒書通好

乙卯置拱衛司專領校尉屬大都督府秩七品

丙辰新塗鄧仲謙作亂殺知州王貞克明從子

乙巳 元至正二十五年 宋龍鳳十一年 夏天統四年


正月己巳常遇春鄧愈克贛州熊天瑞食盡始降 吳王以遇

春止殺特書勞之比于曹彬之下江南

設遷曰陳氏既覆熊天瑞守此一隅抗鋒五月有友諒之

餘烈焉孰謂陳氏無田橫哉

徐達遣千戶胡海洋克寶慶元將唐隆道遁靖州軍民安撫



司及諸長官司皆迎降

壬申吳王問起居注詹同孫武殺寵姬事對曰見于史記王曰此事亦司馬遷好奇其十三篇恐非武自作或有所授

甲戌黃州知府陶安改饒州

常遇春進師南安招諭嶺南諸郡韶州降

新淦鄧仲謙平

叅政鄧愈平吉安諸山砦進江西行省右丞

甲申大都督朱文正有罪免安置桐城蓋在鎮淫暴不法奪人之婦女榻飾龍鳳嘗被結謀降張氏按察使李飲冰奏之

吳王即日往南昌泣謂曰汝何為若是載入舟既放廢仍撫其子鉄柱

乙酉吳王閱將士分隊習戰將經理淮甸也


二月己丑朔元福建行省平章陳友定侵處州叅軍胡深往禦之下浦城

左相國徐達言湖湘平命班師

辛丑遣千戶夏以松守臨江張信守吉安單安仁守瑞州宋

炳守饒州叅軍詹允亨總制辰沅靖寶慶受湖廣行省節制

丙午張士誠大舉入犯兵二十萬司徒李伯昇挾我叛將謝




再興踰浦江圍新城旌旗相綴州縣官屬皆預置精兵數萬
分屯城北過我援之守將僉書行樞密院事胡德濟拒之繆
美出北門敗其先鋒斗巖下敵攻西門美趨之再戰再捷德
濟曰彼衆毋輕乞師于行省右丞相朱文忠遣指揮張斌元
帥張俊出浦江為援士誠又自以兵從桐廬遡釣臺烏石將
犯嚴州文忠扼以舟師未至千戶謝祐被執諸將恐文忠分
署守禦如自率指揮朱亮祖以下行次浦江令銜枚走新城
明日東吳人空壁來文忠橫槊引數騎馳之身格殺數十人
千戶王英從之貫陣而入敵駭亂德濟聞之鼓噪而出敵大

潰指揮張斌朱亮祖擊其餘衆俘將士六百餘人卒萬人馬
三千六百餘匹斬數萬級鎧伏芻粟如山伯昇遁初德濟告
文忠敵銳盡少避之以俟大軍文忠曰俟大軍我瑕矣將在
謀不在衆遂誓師鼓之曰彼衆而囂我寡而整且彼輜重山
積是天以富若也勉之方戰捷聞徵文忠德濟宴賜名馬餘
錫賚有差

康茂才為神武衛指揮使

三月辛巳常遇春班師入朝

癸未起居注宋濂歸省至家表謝復工 世子書勉學 王



善之馳賜綵帛

四月己丑朔叅軍胡深克松溪獲陳友定驍將張子玉

庚寅命平章常遇春曰安睦襄陽跨連巴蜀控扼南北古必
爭地汝其往取夫堅城之下緩則頓師急則驅死相機招輯
是在賢將軍

復命江西行省右丞鄧愈為湖廣行省平章政事勅曰今遣
遇春率師取安陸襄陽汝兵繼之所得州郡撫其降附近聞
擴廓帖木兒集兵汝寧汝能愛軍卹民人心自歸爾其念之
癸巳遣趙好賜方谷珍紗綺鞍轡

庚子置衡州衛

五月庚申信廣衛指揮王文英兵趨鉛山之佛母嶺敗陳友定
兵走之


辛酉叅軍胡深請自廣信撫州建康分道攻陳友定遂命廣
信衛指揮朱亮祖出鉛山建昌左丞王溥出杉關會胡深

乙亥常遇春克安陸執守將僉院任亮

己卯克襄陽元僉院張德山羅明以穀降城

癸未浙東元帥何世明連敗吳人于新溪柴溪

甲申神武衛指揮使康茂才為大都督副使



六月己丑置思南宣慰使司時田仁智遣都事楊琛來降仁智

仍宣慰使琛思州等處宣撫使

丁酉元帥王國寶等克安福州饒鼎臣走茶陵

壬子胡深克樂清擒方谷珍鎮撫周清萬戶張漢臣總管朱

善等俱戍常州

朱亮祖等克崇安進攻建寧元知院阮德柔屯錦江出深營

後深拔其二柵德柔悉眾圍我深突出馬蹶被執陳友定初

甚禮之迫于元使乃殺深深龍泉人倜儻有文武全才元季

削髮自晦栖松源山中年五十有二 吳王痛之遣祭于家

乙卯令民間裁桑麻木棉

儒士滕毅楊訓文為起居注諭曰諸臣有言予雖信宿切磋

究之况若職左右若毋苟容若毋改守譬之馳驅戒險則不

顛肆夷則驟蹶予常自警故以勗若復命滕毅楊訓文集古


暴君之行曰政龜鑑也可以知喪亂之繇

七月丁巳朔命元降將張德山歸襄陽招徠未附山寨賜鄧愈

書曰汝戍襄陽法度已定宜謹守之未附者業遣張德山招

徠舊籍民兵悉如其故軍人將校令其屯種戰且耕爾所戍

地鄰擴廓帖木兒若爾愛加王民法行于軍彼之脇從脫虎



就乳惟我賴汝實如長城成事甚艱債事甚易嗚呼念哉

戊午休渡江舊兵于外郡物故者妻子月給衣廩

辛酉王天錫為湖廣行省都事

甲子復貽擴廓帖木兒書

乙丑元思州宣撫司湖廣行省左丞田仁厚來降改仁厚

思州宣慰使

丁卯置尚食尚醴二局設大使副使

癸酉總制辰沅等叅軍詹允亨遣千戶何德平沅陵盜

庚辰置靖州軍民安撫司同知梁武為副使

壬子劉基為太史監令

八月辛卯募兵于霍邱安豐


御東閔語詹同以趙普說宋太祖收諸將兵權嘆曰使諸將

不早解兵柄宋之天下必不五代若也普雖忌刻其功多矣

壬辰周文貴復攻辰州千戶何德擊走之

九月丙辰朔置國子學許存仁為博士

夏明玉珍使叅政江儼來聘令都事孫養浩報之



十月乙酉朔先是夏明玉珍使弟明三進兵雲南失利諸將往

往暴掠不能制 吳王貽書規之

戊戌下令伐吳畧曰張士誠假之命叛服不常天將假手于

我是用行師以致天討况士誠啟釁多端襲我安豐寇我諸

暨連兵構禍罪不可逭今命大將致討止于罪首餘軍民無

妄逃竄無廢農業已勅大將軍約束毋許擄掠違者論如律

庚子命中書省馳書招虎背寨劉寶

辛丑左相國徐達平章常遇春胡廷瑞同知樞密院馮國勝

左丞華高等征東吳水陸並進

乙巳徐達趨泰州敗吳人屯海安壩

丁未圍泰州新城敗其援兵

己酉常遇春擊援兵院判李 擒將士五百餘人


閏十月乙卯朔吳人出舟師于江次范蔡港小舟別往來江中

吳王聞之曰彼欲分我兵耳徵廖永忠還率水營馭之大軍

毋輕動

己未 吳王自至江陰康茂才水寨賜徐達書曰初聞爾等

距寇甚邇為是馳至緩急相策應今乃知不然所遣陳經歷



辛酉還應天

吳俘百二十九人戍潭州

戊辰平章湯和克漢故將周安于永新立守禦千戶所

甲戌指揮副使王國寶取餘干州

庚辰徐達克泰州俘五千人送應天

癸未安置吳俘五千人于潭州辰州時天寒各賜棉衣一襲

又賜婦女衣履針綫禁約兵卒毋許作踐皆大悅

十一月甲申朔信州盜陷婺源知州白謙赴水死

辛卯徐達進攻高郵王恐其深入命同知馮國勝率所部

節制諸軍援之達還軍泰州圖取淮安濠泗

甲午饒鼎臣出掠中弩死

乙未令李善長書招濠州元將李濟不報

己酉命中書省掾劉大昕往荊州分省叅贊機務


張昶傳獻為中書省叅政

張氏侵宜興使徐達歸援破之獲三千餘人馬一千餘匹

十二月乙卯命興安衛指揮王克恭經理屯於潛以援桐廬昌

化諸軍

張氏侵湖州之安吉守將費子賢以三千人拒之殺梟將二



人曰驚潰去

癸亥起居注滕毅為湖廣提刑按察使

徐達自宜興還攻高郵吳左丞徐義淳海入淮援之屯太倉

三月不前

秦從龍卒年七十有餘 吳王方督軍至鎮江哭其家

置襄陽衛

壬午張士誠以舟師數百艘泊君山復出兵自馬馱沙溯流

窺江陰

丙午 元至正二十六年 宋龍鳳十二年 夏開熙元年

正月癸未朔 吳王自援江陰及鎮江敵遁命康茂才等追之

敗其兵于浮子門斬溺甚眾

辛卯諭中書省臣春和令有司勸農

改宣城府曰宣州維揚府曰揚州


議按察憲綱命按察司僉事周湏等曰神明能福鬼魅能妖

風憲紀綱之司法清弊草人則神明陰詭蠹國乃鬼魅矣

國權

至元

九六



隱士徐舫卒舫字方舟浙江桐廬人善詩劉基等就徵拉舫
不應年六十八所著瑤林滄江二集

宋濂曰當劉君之出也銜方舟以隱自高數欲挽起之會
有故而止方舟獲終老于山林亦豈偶然之故哉

二月癸丑朔湖廣行省叅政張斌擊長州周文貴敗走之

丁卯容美洞宣撫司使田光寶來降進四川行省叅政行容

美洞等處軍民宣撫司

彭世雄為保靖軍民安撫使田升玉為鎮南軍民宣慰使田
光俊為太平臺宜靖安等處安撫使墨色釋用為桑植荒溪

等處宣撫使田思勝為守鎮邊境等處軍民元帥府元帥楊

妙興為守鎮邊境等處元帥府皆土官初附

浙江按察僉事章溢青田盜作亂溢討平之

己巳置兩淮都轉鹽運使司凡二十九鹽場歲課三十五萬


二千五百九十引每引各四百斤官給工本米一石

庚午劉承直為國子博士李暉張濟潘時英為助教完哲為

學正

癸酉指揮孫興祖守海安

潭州衛指揮同知嚴廣平茶陵盜



庚辰遣王聞徐義自海道援高郵王保欲窺兩淮命徐達備之

禁種秫令曰民間造酒糜費米麥今歲毋種秫塞造酒之源夏明玉珍殂年三十六太子昇嗣位方十歲改開熙元年太

后彭氏同聽政

史臣曰玉珍頗尚節儉好文章蜀人經李喜殘暴之餘

賴以粗安然喜自用昧于遠略而嗣子暗弱政出多門國

事日去矣

何喬遠曰明玉珍拔去漢善守巴蜀惜其不永不然何真

之流也

三月庚寅命徐達自泰州取高郵興化淮安等城

丙申令江淮行省平章韓政取濠州

嚴中書省濫舉蔽賢之罰


徐達克高郵初馮國勝圍高郵張氏同僉俞某詐降誘我康

泰以千人踰城去皆被殺王怒責國勝促徐達會攻至是

拔之誅俞某俘將校千三十七人甲士千一百七十五人俱

遠成沔陽長州以婦女多失配諭徐達等正法

丁未使徐達乘勝取淮安宜步騎萬五千人舟師萬人並進



餘軍令常遇春統守泰州海安應援江上

四月癸丑夏主明昇遣

學士虞某來聘

乙卯吳王閱古車制至周禮五輅曰玉輅侈矣其木輅乎
參政張昶曰木輅戎輅也不可祀天王曰孔子取殷輅何
為遠之

徐達至淮安徐義敗去右丞梅思祖等出降

丁巳沂州王宣襲海州入之

戊午徐達克興化先據甌子角扼興化之吭故下之淮地悉
平

己未王謂劉基王禕曰四方凋瘵吾欲紓之基曰方今用

武殆未可王曰吾將定賦焉定賦則用節則民不困定

賦則未兼則國常裕諸皆曰善

庚申濠州李濟以城降韓政顧時等力攻不能支濟同知州


馬麟出迎

辛酉命朱文忠往徐達軍議淮安城守以新附屬其選將簡

卒

壬戌馳書諭宿州吏民元徐州守將樞密院同知陸聚以徐

宿降拜聚江淮行省參政仍守徐州賜文綺三十白金三百



仍書諭吏民曰胡元失政亂起汝穎間天下皆謂豪傑奮興
太平立見乃惟妖言是庸元之將舊師行甚寇中原板蕩十
餘年矣咨爾士民勞苦日深自歲丙午始賦役軍需叅政聚
議于有司毋繁以苛爾安毋悖

癸亥淮安降將梅思祖等入見慰諭之

甲子 吳王發應天往濠州基省墓

諭徐達率兵取安豐時元將竹真以萬人自柳灘渡入安豐
丁卯陸聚遣院判曹國器攻徐州府之沛縣魚臺下之又院
判司整取邳州于是蕭縣宿遷睢寧等城俱下

吳王至濠州念 先人始喪未備議改葬博士許存仁等請
易服遂素冠白纓衫絰而朝恐改葬氣泄但培土舊隣汪文
劉英召慰之并招隣鄉黨二十家守墓復其徭
戊辰方谷珍貢二萬金
濠州父老經濟等皆來見勞苦如平生宴罷且別曰濱淮諸
郡尚有寇兵鄉人耕販且無遠出父老輩其厚自愛
庚午謁墓還舍語許存仁等曰吾微時謂終為村氓雖遭亂
寄身行間冀以紓禍不自意今日至此追思疇曩誠可感也
辛未徐達克安豐忻都竹昌左君弼皆遁追之獲忻都捕刺

